












DESA PAKRAMAN CUCUKAN



	Ongkara = Nyasa (lambang) Ida Sang Hyang Widhi Wasa
	Bucu lima = Kapikukuhin antuk Pancasila
	Bunga Pucuk Bang = Linggih sane mautama
	Padi kapas = Gemuh Raharja
	Griya = Linggih para semeton lan warga Desa Pakraman Cucukan
	Undag tatiga = Kapikukuhin antuk Tri Hita Karana
	Sasaka (Adegan) = Warga Krama Desa Pakraman Cucukan jenek malinggih nyatur desa
	Rante = Warga Krama Cucukan kapikukuhin antuk Panca Sradha
	JAWA KARUTTAMA = Kaweruhan sane luwihing utama

MŪRDDHA CITTA

OM Awighnamāstu nama siddham

Malarapan saking panghyangning Ida Sanghyang Widhi Wasa asung nugraha ngawéntĕnang kahuripan skala lan niskāla, ring bhuwana agung lan bhuwana alit, manut drēṣṭa pinaka pasayuban krama désa rawahing kulawarga pawongannya désa kasinanggĕh bhuwana agung, pawongannya soang-soang pinaka bhuwana alit.

Sotaning bhuwana agung désané sinanggĕh bhuwana mahurip, jangkĕp saha Tri Hita Karananya, luwiré:

- ha. Parhyangan, sahananing panyiwian désa, gĕnah ngarcehana Ida Sanghyang Parama Wiséṣa maka jiwana désané.
- na. Pawongan, sakatahing krama lan warga désa padéwĕkan bayu pramaṇa, mawinan désané siddha molali maprawĕrtti.
- ca. Palĕmahan, tanah kakuwuban désa sinanggĕh pinaka sthula śarīran désané.

Adung patĕmon bhuwana agung lan bhuwana alit, maka larapan ngulati santha jagadhita, sinanggĕh mŭrddhaning prayojana pangriptaning awig-awig ring pasĕbhan krama désa, pinaka sĕpat siku-siku pamatut pamargin désa pakraman.

Wastu prasiddha pangaptin titiang sami, angidhĕp, muwang amanggĕhakĕn kadi linging awig-awig puniki.

OM Śanti, Śanti, Śanti OM.

**DAGING AWIG-AWIG
DESA PAKRAMAN CUCUKAN**

MAKNA LOGO	i
MURDA CITTA	ii
DAGING AWIG	iii
PRATHAMAS SARGAH : HARAN LAN WAWIDANGAN DESA	1
DWITYAS SARGAH : PATITIS LAN PAMIKUKUH	1
TRITYAS SARGAH : SUKRETTA TATA PAKRAMAN	2
Palet 1 : Indik Krama	2
Palet 2 : Indik Prajuru Desa.....	5
Palet 3 : Indik Kukul	7
Palet 4 : Indik Paruman lan Sangkepan	9
Palet 5 : Indik Druwen Desa.....	11
Palet 6 : Sukerta Pamitegep	12
Kaping 1 Karang lan Tegal	12
Kaping 2 Indik Kakayonan	14
Kaping 3 Indik Wawangunan	15
Kaping 4 Indik Wawalungan	16
Kaping 5 Indik Baya lan Dusta	16
Kaping 6 Panyanggran Banjar	18
CATURTAS SAGGAH : SUKRETTA TATA AGAMA	18
Palet 1 : Indik Dewa Yadnya	18
Palet 2 : Indik Resi Yadnya	23
Palet 3 : Indik Pitra Yadnya	23
Palet 4 : Indik Manusa Yadnya	28
Palet 5 : Indik Bhuta Yadnya	29
PANCAMAS SARGAH : SUKRETTA TATA PAWONGAN	30
Palet 1 : Indik Pawiwahan	30
Palet 2 : Indik Nyapian	34
Palet 3 : Indik Santana	36
Palet 4 : Indik Wawarisan	38
Palet 5 : Indik Bhuta Yajña	57
SATHAS SARGAH : WICARA LAN PAMIDANDA	40
Palet 1 : Indik Wicara	40
Palet 2 : Pamidanda	41
SAPTAMAS SARGAH : NGUWAH-NGUWUHIN AWIG-AWIG	43
ASTAMAS SARGAH : SAMAPTA	43
LAMPIRAN: PANTIA PENYUSUNAN AWIG DESA PAKRAMAN CUCUKAN	

**PRATHAMAS SARGGAH
HARAN LAN WAWIDANGAN DESA**

Pawos 1

- (1) Desa Pakraman puniki mawasta Desa Pakraman Cucukan.
- (2) Wawidangan Desa Pakraman Cucukan mawates nyatur desa luwire:
 - ha. Sisi Kaler: Desa Pakraman Gembalan.
 - na. Sisi Kangin: Desa Pakraman Tegak.
 - ca. Sisi Kelod: Desa Pakraman Selat.
 - ra. Sisi Kauh: Desa Pakraman Tulangnyuh.
- (3) Desa Pakraman puniki wantah abanjar inggih punika Banjar Griya Cucukan.

**DWITYAS SARGGAH
PATITIS LAN PAMIKUKUH**

Pawos 2

Patitis Desa Pakraman Cucukan luwire:

- ha. Ngarajegang kasukerthan desa saha pawongannia sakala lan niskala;
- na. Nginggilang tata prawertining magama Hindu;
- ca. Ngarajegang kasukertan pakilitan pasemetonan Griya Cucukan.

Pawos 3

Desa Pakraman Cucukan ngamanggehang pamikukuh makadi:

- ha. Pancasila.
- na. Undang-undang Dasar 1945, miwah sahananing Peraturan-peraturan
Negara Republik Indonesia.
- ca. Tri Hita Karana manut sadacara agama Hindu.

TRITYAS SARGGAH
SUKRETTA TATA PAKRAMAN

Palet 1

Indik Krama

Pawos 4

- (1) Sane kabaos warga Desa Pakraman Cucukan inggih punika sahananing wang sane magama Hindu magenah ring wawidangan Desa Pakraman Cucukan ngamong yadiastun tan ngamong karang desa saha satinut ring daging awig-awig lan pararem desa.
- (2) Sane kabawos krama Desa Pakraman Cucukan inggih punika warga desa sane sampun alaki rabi.
- (3) Sajaba punika kabawos tamiu.
- (4) Tamiu kabinayang dados kalih paos luwire:
 - ha. Tamiu sane magama Hindu, jangkep utawi tan jangkep alaki rabi tur yan sampun jumenek lintang ring 35 (pasasur) rahina patut kaparitetes tatujonnia patut katedunang makrama desa, sajawaning sasudian Guru Wisesa;
 - na. Tamiu magama siosan yening sampun jumenek lintang ring 35 (pasasur) rahina kapatutang naur jinah pasukaduhkan manut pararem.

Pawos 5

- (1) Swadarmaning tamiu patut satinut ring pamargin awig-awig lan pararem desa sane kamanggehang ring Desa Pakraman Cucukan.
- (2) Krama sane ngraksa tamiu patut matur supeksa ring prajuru desa tan kasepan ring awengi.
- (3) Prade wenten tamiu sane madunungan ring sinalih tunggil krama, wiadin warga Desa Pakraman Cucukan malaksana kawon, sane kadunungan patut supeksa tur tamiu sane madunungan patut katiwakin pamudanda manut

pararem tur katur ring Guru Wisesa.

- (4) Tamiu sane sampun ninutin pamargi sakadi munggah ring wiwit (1), patut polih pasayuban saking Banjar utawi Desa Pakraman.

Pawos 6

Krama Desa Pakraman Cucukan kapalih dados kalih pawos, luwire:

- (1) Krama ngarep inggih punika krama sane kantun jangkep alaki rabi tur magenah ring wawidangan Klungkung Daratan.
- (2) Krama tan ngarep luwire:
- ha. Krama malaga inggih punika krama ngarep sane magenah ring dura Klungkung Daratan;
 - na. Krama balu inggih punika krama sane katinggal seda olih sinalih tunggil rabinnia utawi nyapian;
 - ca. Krama nyada inggih punika krama sane sampun mayusa 65 (nem dasa lima) warsa utawi oka sane lanang samian sampun marabian.
- (3) Ayah-ayah krama kamargiang sakadi ring sor:
- ha. Krama ngarep keni ayah lanang lan istri manut pamargin desa tur keni medal-medalan manut pararem;
 - na. Krama balu lanang keni ayah asibak, jinah pawangunan satenga tan keni wawantenan, muang krama balu istri wantah keni wawantenan.
 - ca. Krama malaga keni jinah pamalagaan manut pararem;
 - ra. Krama nyada luput ayah-ayah lan medal-medalan.
- (4) Sajaba tategenan kadi kecaping ring ajeng sahananing krama lanang istri, deha truna, patut sami sayaga ngayah nyanggra saraja karyaning desa manut pangenter saking panglingsir utawi prajuru desa.
- (5) Krama desa polih laluputan prade katiben sungkan, utawi matepetin kulawarga sungkan manut pararem.

Paragraf 7

Agenda kerja desa meliputi:

- a. pelaksanaan kerja yang telah ditetapkan pada tahun-tahun sebelumnya;
- b. pelaksanaan kegiatan yang akan dilaksanakan pada tahun-tahun berikutnya.

Paragraf 8

Kerangka kerja yang perlu ditetapkan dalam rencana kerja meliputi:

- a. Pembagian kerja yang harus dilakukan oleh masyarakat desa;
- b. Struktur dan fungsi yang harus ditetapkan dalam rencana kerja;
- c. Kerangka kerja yang harus ditetapkan dalam rencana kerja;
- d. Kerangka kerja yang harus ditetapkan dalam rencana kerja.

Paragraf 9

(1) Misi desa meliputi:

- a. Desa;
- b. Desa yang harus ditetapkan untuk melaksanakan misi desa;
- c. Kerangka kerja yang harus ditetapkan dalam rencana kerja yang harus ditetapkan dalam rencana kerja.

(2) Misi desa yang harus ditetapkan dalam rencana kerja meliputi:

- (1) Misi desa yang harus ditetapkan dalam rencana kerja meliputi:
- (2) Misi desa yang harus ditetapkan dalam rencana kerja meliputi:
- (3) Misi desa yang harus ditetapkan dalam rencana kerja meliputi:
- (4) Misi desa yang harus ditetapkan dalam rencana kerja meliputi:
- (5) Misi desa yang harus ditetapkan dalam rencana kerja meliputi:

- na. Yaning wusannia sangkaning tan rahayu, patut keni panawub wawangunan lan pamidanda manut pararem, sasampune nunas pangampura sajeroning paruman desa.
- (5) Sang wusan makrama sangkaning kanorayang utawi pinunas ngaraga patut ngaturang utawi ngawaliang sahananing druwen Desa Pakraman, salantur ipun tan kawenangang nganggen sahananing piranti druwen desa tur tan polih pasayuban saking Desa Pakraman.
- (6) Krama sane sampun nyada patut nyukserahang sakancan pamargi ayahan muang paiketannia ring desa majeng ring warisnia utawi sang kamanggehang pinaka panyeledihi.

Palet 2

Indik Prajuru Desa

Pawos 10

- (1) Desa Pakraman Cucukan kaenter olih Bandesa, sane kasanggra olih prajuru makadi:
- ha. Patajuh pinaka wakilnia;
 - na. Panyarikan pinaka juru surat;
 - ca. Patengen pinaka juru raksa druwen desa;
 - ra. Kasinoman pinaka juru arah.
- (2) Banjar kaenter antuk Kelihan Banjar.
- (3) Gaguat dados prajuru desa sakadi ring sor:
- ha. Mawiwit saking krama ayah ngarep;
 - na. Satia tur polos;
 - ca. Maparipolah becik tur tan cedangga;
 - ra. Uning ngwacen lan nyurat;
 - ka. Uning ring panglokika lan wicaksana.

- (4) Nyudi lan ngadegang prajuru patut kalaksanayang olih krama sajeroning paruman.
- (5) Waneng dados prajuru desa kamanggehang 5 (limang) warsa, dados kasudi malih manut pararem.
- (6) Gaguaat pamargi ngadegang prajuru sakadi ring sor:
 - ha. Nganutin daging awig-awig lan pararem desa;
 - na. Bandesa kararemin antuk krama sajeroning paruman;
 - ca. Maduluran antuk upasaksi ring Kahyangan Desa.
- (7) Tigang sasih sadurung waneng 5 (limang) warsa, prajuru patut nyerahang swadarmannya sajeroning paruman desa mangsa kawentenang sasudian malih.
- (8) Sapasira ugi sane naanin kasudi ngayah dados prajuru desa wadin banjar patut ngawentenang upacara pamegat.

Pawos 11

- (1) Swadarmaning Prajuru Desa luwite:
 - ha. Ngenterang pamargin sadaging awig-awig miwah pararem desa,
 - na. Ngenterang pamargin yajnya manut awig-awig miwah pararem desa,
 - ca. Ngenterang tur ngawigunayang padruweni Desa Pakraman manut pararem;
 - ra. Maka duta saking Desa Pakraman Cucukan rikala matemuang babawos ring sapisira hugi,
 - ka. Mawosin kalih niwakang pamutus sahananing wicara krama lan warga desa manut awig-awig kalih pararem desa tur ngarajegang pawarah Guru Wisesa
- (2) Sajeroning ngenterang pamargin dresta Bandesa patut ngawentenang pawitasan ting para anggota prajuru sane siosan, kasarengin antuk para yoga sane wenten ting Desa Pakraman Cucukan mangda lan tinggal pamargi.
- (3) Swadarmaning prajuru sane siosan sajawaning gagaduhan manut pawos 10 (dasa) taler patut ngaremba Bandesa sajeroning pawirasan kadi kecaping ring ajeng.

- (4) Prade weriten sinalih tunggil prajuru luang pamargi makadi ngalinyokang druwen desa muang sapanunggilanria tur keni kabuktiang kaiwangannia, punapi malih banget tempal ring kecaping awig-awig utawi pararem patut keni pamidanda arta manut pararem, tur patut kausanang dados prajuru.
- (5) Prajuru Desa sane kasisipang tan kapatutang ngenter pamargin pararem krama jantos wenten sane pastika indik kaiwangan muang pamidandannia.

Pawos 12

Patias utawi olih-olihan Prajuru Desa sakadi ring sor:

- ha. Rikala patirtaan utawi puja wali ring kahyangan desa polih pituas olahan kalih tanding;
- na. Polih olih-olihan siosan manut pararem.

Pawos 13

(1) Prajuru Desa kagentosin malarapan antuk :

- ha. Seda;
- na. tutug panemaya dados prajuru;
- ca. Tan prasiddha ngamargiang swadartaning prajuru dwaning katiben sungkan rahat utawi pialang abot siosan manut panglokika paruman desa;
- ra. Pinunas ngaraga tur sampun kalugra pinunasiia antuk paruman krama;
- ka. Kausanang antuk krama sajeroning paruman dwaning iwang pan argi.

(2) Ngararianang utawi ngentosin prajuru patut kamargiang sajeroning paruman krama.

Palet 3

Indik Kulkul

Pawos 14

(1) Kulkul sane wenten ring wawidangan Desa Pakraman Cucukan luwire:

- ha. Kulkul Parhyangan;
 - na. Kulkul Desa Pakraman.
 - ca. Kulkul Banjar;
 - ra. Kulkul sekaa-sekaa.
- (2) Swaraning kulkul kasinanggeh pinaka swaraning desa, banjar utawi sekaa, satmaka atur utawi dadauhan saking prajuru ring kramannia sami.
- (3) Tabuh tatepakan kulkul inucap patut pastika manut tatujon tur manut ring pasubayan kramana.
- (4) Pamargi sane patut macihna antuk swaran kulkul luwire:
- ha. Pacang parum;
 - na. Pacang sangkep nyabran sasih;
 - ca. Pacang ngarentebin kalayusekaran;
 - ra. Pacang tedun makarya utawi pamargin gong;
 - ka. Wenten baya;
 - da. Wenten warga mawiwaha.
- (5) Tabuh tatepakan kulkul Desa Pakraman lan banjar luwire:
- ha. Aklentungan kadulurin antuk kalih tuludan panjang cihna pacang parum, sangkep lan makarya;
 - na. Kalih klentungan kadulurin antuk kalih tuludan panjang cihna pawiwahan;
 - ca. Tigang klentungan kadulurin antuk kalih tuludan panjang cihna wenten kalayusekaran;
 - ra. Atuludan bulus ngempang cihna wenten anak ngamuk;
 - ka. Kalih tuludan bulus ngempang cihna wenten gnibaya;
 - da. Tigang tuludan bulus ngempang cihna wenten baya siosan;
 - ta. Ngempang masangsihan cihna wenten wali ring kahyangan;
- (6) Kulkul sekaa-sekaa katepak antuk kelihannyane soang-soang manut tatujon.

Pawos 15

- (1) Sahananing kulkul Desa Pakraman Cucukan patut katepak olih prajuru utawi sang kapituduh olih prajurunnia manut tatujon.
- (2) Sapasira ugi nepak kulkul tan sangkaning pituduh prajurunnia sajawaning rikala wenten baya, wenang keni pamidanda manut pararem.
- (3) Sang nepak kulkul cihna wenten bhaya patut nyantos ring genah kulkul inucap saha matur supeksa ring prajuru mungging tatujon panepakannia.

Palet 4

Indik Paruman lan Sangkepan

Pawos 16

1. Paruman sane wenten ring Desa Pakraman Cucukan luwire:
 - ha. Paruman prajuru;
 - na. Paruman krama.
2. Paruman prajuru kawentenang sanistannia enem sasih apisan.
3. Paruman krama kamargiang padgatakala manut tatujon.
4. Sangkepan Desa Pakraman Cucukan kalaksanayang ngenem sasih apisan nemonin rahina Wrehaspati Umanis Dunggulan (Manis Galungan).
5. Sangkepan Banjar kalaksanayang ngasasih apisan nemonin rahina, Radite Pon (kalih rahina sadurung Anggarkasih).

Pawos 17

- (1) Tata cara parum kamargiang sakadi ring sor:
 - ha. Kadulurin antuk wenten arah-arahan;
 - na. Macihna antuk swaran kulkul;
 - ca. Paruman prasidha kamargiang yan sampun katedunin antuk krama sanistannia lintang ring atenga.
- (2) Tata cara parum utawi sangkep kamargiang manut dresta.

Pawos 18

- (1) Sane patut kabawosang sajeroning paruman desa luwire:
 - ha. Pangrencanan prajuru nganinin indik pawangunan, upacara sane pacang kalaksanayang;
 - na. Pabuwat saking Guru Wisesa sane patut kasanggra olih Desa Pakraman;
 - ca. Ngaryanin sahananing pararem desa tur nguwah-nguwuhin awig-awig desa;
 - ra. Mawosin sakancan wicara warga utawi krama desa.
- (2) Sane patut kabawosang sajeroning sangkepan Desa Pakraman luwire:
 - ha. Munjuk lungsuring krama ngaturang ayah-ayahan;
 - na. Saluwir sulur artha brana druwen desa;
 - ca. Pamargin sahananing pamutus paruman sadurungnya.

Pawos 19

- (1) Tata trepti paruman utawi sangkepan sakadi ring sor:
 - ha. Sahananing krama sane pacang nyarengin parum utawi sangkep patut mabusana adat Bali alit;
 - na. Tan kalugra makta saluiring gagawan;
 - ca. Tan kalugra ngawetuwang swara bangras utawi biota ring sangkepan utawi paruman.
- (2) Tata trepti paruman utawi sangkepan sakadi ring sor:
 - ha. Paruman utawi sangkepan kakawitin antuk panelas toyan janggi sawusan swaran kulkul;
 - na. Kakawitin antuk pangarcana ring Ida Bhagawan Panyarikan masadana antuk cane;
 - ca. Ngaturang pangastungkara panganjali ring Ida Hyang Widhi Wasa, kalanturang antuk macak krama.

- (3) Pamutus babawosan mangda kautsahayang majalaran antuk paras-paros, gilik-saguluk. Yaning tan prasidha, pawilangan swara sane akehan kasinanggeh pamutus.
- (4) Prade sajeroning paruman parindikan sane kabawosin tan prasidha ngamolihang pamutus, prajuru desa patut nanggehang pandidikan punika tur patut kabawosang malih ring paruman sane pacang rawuh.

Pawos 20

- (1) Paruman prajuru matatujon:
 - ha. Ngarincikang sahananing pangrencana sane pacang kamargiang;
 - na. Maosin wicaran krama utawi warga desa sane kasadokang ring prajuru, sadurung niwakang panepas majeng ring sang mawicara.
- (2) Pamutus paruman prajuru durung kangkat kamargiang sadurung kahingkupin olih krama sajeroning paruman, punapi malih sane marupa tategenan krama.

Palet 5

Indik Druwen Desa

Pawos 21

- (1) Sane kamanggehang pinaka druwen Desa Pakraman Cucukan luwire:
 - ha. Kahyangan Desa minakadi: Pura Dalem, Pura Pulaki, Pura Melanting lan Pura Tirta Karna;
 - na. Tanah tegak pura kahyangan desa, tegak bale desa muwah telajakan lan tunon;
 - ca. Tanah bangket palaba pura akehipun 10 (dasa) are lan tanah PKD;
 - ra. Gong baleganjur lan sakaluirnia sane sampun munggah ring ilikita;
 - ka. LPD (Lembaga Perkreditasi Desa) Desa Pakraman Cucukan;

da. Druwen desa siosan sane kapikolihang salanturnia.

- (2) Sahananing druwen desa patut mangda kaunggahang ring ilikita sane pastika tur kasobiahang nyabran sangkepan krama;
- (3) Sahananing krama patut sareng uning sakancan druwen desa kadi mungguh ring ilikita.

Pawos 22

- (1) Yan wenten sinalih tunggil warga desa kabuktiang mamandung druwen desa, patut katiwakin pamidanda manut pararem tur ngawaliang sakancan barang sane kapandung.
- (2) Prade barang sane kapandung punika sinanggeh barang sane suci, patut pamidandannia kawewehin antuk pamrayascitta manut kabuatan sane kaputusan antuk pararem.
- (3) Prade rikala ngamargiang padewasakian wenten warga tan prasidha rawuh, patut matur ring prajuru desane. Prajuru patut maritatas indik punapi awinan warga inucap nenten prasida rawuh.

Palet 6

Sukerta Pamitegep

Kaping 1

Karang lan Tegal

Pawos 23

- (1) Sahananing karang desa muang karang tegak paumahan, patut mangda wenten wates/sengker sanistanipun antuk pagehan.
- (2) Karang utawi tanah paumahan sane masanding, mungguh watesipun kapidabdabin sakadi ring sor:
ha. Wates sisi kaler, sisi kangin miwah sane nepi ring rurung utawi margi kakaryanin antuk sang ngamong karang utawi paumahan tanah inucap:

- na. Wates sisi kelod, sisi kauh sajawaning sane nepi rurung utawi margi kakaryyanin olih sang ngenahin karang panyanding sane delodan utawi dauhan;
 - ca. Prade sangkaning pada lila, kangkat kawentenang pamargi manut paiguman.
- (3) Prade wenten karang paumahan sane kabebeng patut kapidabdabin sakadi ring sor:
- ha. Yaning tanah inucap marupa pakarangan desa patut prajuru midabdabin mangda karang kabebeng inucap polih margi;
 - na. Prade karang inucap marupa tanah padruwen utawi guna kaya prajuru patut ngutsahayang mangda karang inucap polih margi malarapan paras-paros ring sang panyanding.

Pawos 24

- (1) Sahananing tegal ring wawidangan Desa Pakraman Cucukan, sane kadruwenang antuk warga Desa Pakraman Cucukan prade katimbang, kautsahayang katimbang ring warga Cucukan.
- (2) Sahananing tegal sane wenten ring wawidangan Desa Pakraman Cucukan, patut kautsahayang mangda wenten watesnia sane pastika kajangkepin antuk ilikita saking Guru Wisesa marupa sertifikat.
- (3) Sapasira ugi tan kapatutang ngalahlah wates tanah karang lan tegal druwen krama siosan, punapi malih tanah druwen pura, desa lan nagara.
- (4) Sang sane mamurug daging kecap wiwit (2) lan wiwit (3) ring ajeng patut keni pamidandha manut pararem.

Pawos 25

- (1) Sahananing warga Desa Pakraman Cucukan patut sayaga miara kabersihan pakarangan inuang telajakannia, rauh ring margi manut tatiwak saking prajuru.

- (2) Sajeroning usaha ngarajegang kabersihan ring wawengkon Desa Pakraman Cucukan, sowang-sowang pakarangan kaaptiang mangda:
 - ha. Wenten blumbang genah luwu utawi mis;
 - na. Madruwe jempeng lan sajangkepnyane;
 - ca. Tan makarya genah ngutang bacin ring tepining margi, sajaba luwu utawi mis sane pacang katunjel.
- (3) Sang mamurug kecap ring ajeng, patut katiwakin pamidanda manut pararem.

Kaping 2

Indik Kakayonan

Pawos 26

- (1) Sapasira ugi pacang nandur kakayonan tanem tuwuh sane pacang dados mageng sajeroning pakarangan, patut tanem tuwuh sane katandur paembaungia tan kirang adepa agung saking wates karang inucap (175 Cm)
- (2) Tanem tuwuh sane ngarebrebin utawi kasumangsayain pacang nyengkalen ka pisaga wenang kawara madasar antuk paigum sane becik mangda kakayonan punika gelis karebah utawi kapunggul.
- (3) Prade ri sampune kawara kadi kecaping ajeng sang nrebenang tar. satinut utawi nenten nagingin pinunas sang ngawara, sang kabrebehan rumasa pacang kabayanin kengin nyadokang ring prajuru.
- (4) Prajuru desa wenang mratiaksayang saha ngarereh tatiwak pamutus marep ring sang madrebe kakayonan, mangda kakayonan sane kawara digelis karebah utawi kapunggul.
- (5) Prabea ngarebah utawi munggul taru kasandangin antuk sang nundung, yening taru inucap kirang ring adepa agung (175 Cm) saking wates pakarangan sang nruwenang, prabea munggul taru kasukserahang ring sang nruwenang taru.
- (6) Taru sane karebahang kasuksrahang ring sang nruwenang taru.

- (7) Yening wenten taru magenah ring wates pakarangan utawi tegal patut katundung tur karebah, saha prabeannia kasandangin sareng tiga tur rebahan taru punika ka pah tiga luwire:
- ha. Apah tiga sang madrebe taru sane karebah;
 - na. Apah tiga katur ring sang kabamatan;
 - ca. Apah tiga katur ring Desa Pakraman utawi Banjar.
- (8) Prade panepas saking prajuru desa tan kalaksanayang kangkat katurang ring Guru Wisesa.

Kaping 3

Indik Wawangunan

Pawos 27

Wawangunan sane wenten ring Desa Pakraman Cucukan luwire:

- ha. Wawangunan padruwen Desa Pakraman;
- na. Wawangunan padruwen warga sowang-sowang.

Pawos 28

- (1) Sapasira ugi pacang makarya wawangunan, tan kapatutang nyapcap ka pisaga.
- (2) Wawangunan sane sampun wenten, sane kantun nyapcap ka pisaga, mangda kautsahayang ngaryanang abangan sapatutnya.
- (3) Sapasira ugi tan anut ring ajeng sasampune wenten pasadok ring prajuru wenang kaicen tatepasan kadasarin antuk paras-paros.
- (4) Prade tatiwak saking prajuru tan kacumponin kangkat wicara punika kaaturang ring Guru Wisesa, tur sang mamurug keni pamidanda manut pararem.

Kaping 4

Indik Wawalungan

Pawos 29

- (1) Krama wiadin warga sane myara wawalungan patut sayaga nitenin wawalungan makadi negul utawi nglogor, mangda tan jantos ngarusak karang pabianan anak siosan, paumahan, punapi malih jantos ngaletihin kahyangan.
- (2) Prade wenten wawalungan ngaleb jantos ngarusak pabianan utawi pakarangan anak sios, ri sampune naanin kaplungguhang taler tan katinutin kengin kataban tur kasadokang ring prajuru. Prajuru wenang miwakang pamidanda manut pararem, saha nawur prabeya sahananing sane karusak.
- (3) Prade wawalungan inucap jantos ngaletihin genah suci, sawawaning pamidanda muang karugian kadi munggah ring wiwit (2) pamidanda inucap kawewehin pangupakara kahyangan manut daging sastra agama.
- (4) Tan kadadosang ngangonang utawi negulang wawalungan ring margi, rurung pakarangan desa muwah telajakannia.
- (5) Sang mamurug kadi kecaping ajeng patut keni pamidanda manut pararem.

Kaping 5

Indik Baya lan Dusta

Pawos 30

- (1) Sahananing laksana tan rahayu sane ngawinang pikobet, dukkita, duskreta ring jadma siosan kasinanggeh baya.
- (2) Bacakan sane kabawos baya luwire:
 - ha. Jiwa baya : Kaamuk lan kaparikosa;
 - na. Arta baya : Kamalingan, kabegalan;
 - ca. Geni baya : Katunuan utawi umah puun;
 - ra. Toya baya : Anyud katiben arus;

- ka. Bayu baya : Katiben angin linus; lan
- da. Baya siyosan.

Pawos 31

- (1) Warga desa sane katiben baya patut digelis matur supeksa ring prajuru utawi sang wenang mawosin.
- (2) Sang katiben baya utawi sang manggihin kawentenan baya kapatutang nyuarayang kulkul manut wipunannia saha digelis matur supeksa ring prajuru mangda sang katiben baya digelis katulungan.
- (3) Sahanan warga desa patut sayaga maweh pitulung saha makta piranti manut kawentenan baya inucap.

Pawos 32

- (1) Sang kamalingan prade pacang ngamargiang saserep patut nunas panguwak muang upasaksi ring prajuru.
- (2) Masaserep ring sios babanjaran utawi desa patut polih panguak saking prajuru sane ngawidangin genahe masarerep.
- (3) Prajuru patut ngenter sang masaserep mangda tan jantos ngawetuang biota.

Pawos 33

- (1) Sahananing jadmalaaksana dusta tur ngawinang baya kangkat katur ring Guru Wisesa manut bobot kaiwangannia.
- (2) Prade dusta ngawinang kaletahan genah sane kasinanggeh suci, wenang pamidandannia kawewehin antuk pamrayascita manut sastra agama.
- (3) Prade wenten warga desa sane malaksana duskreti, makudi asta capala, pada capala, wak capala, ring warga siosan prade kawicarayang tur prasida kabuktiang, sang malaksana patut keni pamidanda manut pararem.

- (4) Prade laksana inucap nibenin warga sane kapasinggilhang manut agama, patut pamidanda kawewehin pamrayascitta marep ring sang katiben manut sastra agama.
- (5) Prade wenten paruman utawi sangkepan ring pura, wenten jadma nguman-nguman wiadin kroda, patut katiwakin pamidanda saha pamrayascita manut pararem.
- (6) Prade wenten dusta saking dura desa, patut kaejuk tur kaaturang ring Guru Wisesa.

Kaping 6

Panyanggran Banjar

Pawos 34

- (1) Ritatkala wenten krama ngawentenang karya luwire: Dewa Yajnya, Manusa Yajnya, Pitra Yajnya miwah karya sane siosan, krama punika dados nganggen piranti druwen Banjar, saha prabotan taler kapatutang polih panyanggra saking banjar manut pinunas sang inadruwe karya.
- (2) Pamargi panyanggran Banjar majeng ring sang madue karya, kapidabdabin manut pararem banjar.

CATURTAS SARGAH SUKERTA TATA AGAMA

Palet 1

Indik Dewa Yajnya

Pawos 35

- (1) Pura-pura sane wenten ring Desa Pakraman Cucukan luwire:
ha. Pura Kahyangan Desa, minakadi: Pura Dalem, Pura Pulaki, Pura Melanting lan Pura Tirta Karma;
na. Mrajan Dadia luwire: Merajan Tengah lan Merajan Ageng;
- (2) Pura Kahyangan Desa kasungsung olih Krama Desa Pakraman Cucukan.

- (3) Merajan Dadia kasungung olih pangemongnia sowang-sowang.
- (4) Piodalan ring pura-pura inucap kalaksunayang nyabran amasa lun 6 (enett.) sasih apisan manut dresta.

Pawos 36

- (1) Ring sowang-sowang Pura Kahyangan Desa patut kaadegang pamangku sane patut ngenterang nuntun utawi ngastawayang pamargin yajnya ring pura inucap manut kawenangan.
- (2) Sang patut kasudi dados pamangku luwire:
 - ha. Krama desa marep utawi sane sampun nyada;
 - na. Tan cedangga;
 - ca. Maparipolah sane rahayu.
- (3) Tata cara ngadegang pamangku luwire:
 - ha. Malarapan antuk katurunan;
 - na. Malarapan saking sasudian;
 - ca. Malarapan antuk nyanjan;
 - ra. Malarapan antuk lekesan.
- (4) Dudouan pacang dados pamangku luwire:
 - ha. Kararemin olih krama pacang dados pamangku;
 - na. Nunas wara nugraha ring pura utawi mrajan malarapan pawintenan;
 - ca. Nyuciang raga utawi mawinten kapuput olih Ida Padandha.
- (5) Sang kasudi dados pamangku ri wus puput pawintenannia, patut ngamargiang darma kapamangkuan tur patut kasinggihang olih warga desa manut wipunannia.

Pawos 37

- (1) Swadarmaning pamangku luwire:
 - ha. Astiti bhakti ring Ida Bhatara sasuhunan, pamekas ring Ida Sanghyang Widhi Wasa;

- na. Ngenterang utawi ngastawayang pamargin upacara ri kala nuju Purnama lan Tilem muwah yajnya sane awan,
 - ca. Ngalaksanayang pamargi sane mabuwai suci ring pura, pamekas ri kala nedunang utawi ngalinggihang pralingsan Ida Bhatara ri kala patirtaan utawi piodalan,
 - ra. Nuntun krama lan warga desa mangda satata bukti, astiti ring Ida Sanghyang Widhi Wasa tur malaksana susila manut sastra agama.
 - ka. Nyiratang tirta utawi wangsuh padan Ida Bhatara ring warga desa sane kasinanggeh patut, ri kala piodalan utawi patirtaan,
 - da. Pamangku dadia patut ngremba Pamangku Desa ri tatkala patirtaan utawi piodalan;
 - ta. Prade pamangku ngarep kapiambeng tan prasida ngamangiang upacara ring pura patut upacara punika kamangiang olih pamangku sane linggihnia sawawa utawi pamangku sane kacawis olih Prajuru Desa;
 - sa. Pamangku Kahyangan Desa patut ngutamayang pamargin yajnya ring Desa Pakraman.
- (2) Olih-olihan Pamangku Kahyangan Desa luwice:
- ha. Polih busana sapradeg ngamasa apisan sadurung patirtaan ring sowang-sowang pura inucap lanang istri,
 - na. Polih sasari apahtigaan;
 - ca. Ri tatkala lina polih panyanggran desa manut pararem,
 - ra. Pakaryane kasanggra antuk krama Desa Pakraman sapatutnia.

Pawos 38

- (1) Kahyangan kasinanggeh kadurmanggala prade:
- ha. Katiben beya;
 - na. Kahanan lulut sakaluwirnya.

ca. Kahanan wangken jadma utawi wangken wawalungan;

ra. Kaletehan antuk jadma masanggama.

(2) Kasukertan kahyangan kapidabdabin kadi ring sor:

ha. Sahananing krama lan warga desa patut nureksain, nyaga mangda kasukertan kahyangan tan kaletehan;

na. Sane tan kalugra ngranjing ka pura luwire:

1. Sang kantung sebel ring raga manut jalarannia;
2. Sang kantung cuntaka sangkaning maduwe kulawarga seda, manut sengker;
3. Wawalungan sajawaning ri kala mapapada;
4. Sang mabusana tan manut dresta;
5. Sang makta saluwiring barang sane leteh manut sastra agama;
6. Sahananing sane kabawos ngaletihin manut pararem;
7. Jadma sane kasinanggeh patita, panak babinjat, mobot tan wenten ngangkenin, jadma buduh, sakit ila, muang siosan sadurung polih pamrayascitta manut sastra agama.

ca. Sengker sebel utawi cuntaka manut jalarannia sakadi ring sor:

1. Ngraja ngantos wusan ngamedalang mala utawi rah tur mresihin raga;
2. Ngembasang putra, sane istri 42 rahina, sane lanang akepus odel;
3. Karuron, kulawargannia 42 rahina, narghing kulawarga warisnia sios pakarangan miwah warga utawi krama sane siosan wantah 3 rahina;
4. Sangkaning kalayusekaran, sang sane ngarepin jantos puput ngatelunin;
5. Sangkaning gamia-gamana, ngantos kapalasang utawi masapihang tur kawentenang upacara pamrayascittan ring raga lan ring desa;
6. Sangkaning salah timapl, ngantos kapatutang manut dresta agama lan dresta;

7. Sangkaling pawikahan, ngamus papat untuk upacara pabikawoman.
8. Sangkaling mabit tan masupara pabikawoman, ngamus masupara pabikawoman.
9. Sangkaling mamitta ngalang, ngantos kwenenteng upacara pamrayascita lan pabikawoman.
10. Sajeroning cuntaka kalayusokaran cuntaka krama desa wantah 3 rahina.

- (3) Prade wenien krama wiadin warga desa kalayusokaran ri tatkala sampun nyambutang karya utawi yajnya ring kahyangan desa, sane ngamargiang utawi ngalakaanayang cuntaka wantah sang ngarepin kemawon.
- (4) Sane kamanggehang tan keni cuntaka luwre:
ha. Ida Padandha utawi Sulinggih,
na. Pamangku kahyangan desa masut sasana kapumangkuan.
- (5) Partipolah sane tan kawenangang ring pura luwre:
ha. Masumpah utawi nahap cor, sajawaning saking pinuhuh prajuru,
na. Maulah hala, maujat hala lan wak purusa,
ca. Marehat, mayuda, panapi malih kantos wenten ngamedalang ruh,
ra. Mewikang wastra, nyungsang busana, mewikang puringut lan sapanunggulanis sajawining Ida Sang Sulinggih,
ka. Mawarih, makoratan muang maccepin anak alit,
da. Siep barwor lanang kalawan istri, sajawining anak alit,
ta. Parilaksana sisan manut pararem.
- (6) Yan mabukti wenten jadm malaksana ngaletihin sakadi kecap ring ajeng patut keni pandidanda manut pararem. Prade laksanacia kabawos banget ngaletihin, makadi, mayuda ngantos ngamedalang ruh, masatgama, makta barang leteh ka kahyangan muap patut kaprayascita sapatutnya for sang malaksana keni pandidanda lan pabeya pamrayascita manut pararem.

- (7) Yening wenten kahyangan desa keni kadurmanggalan, pamangku utawi sang manggihin patut digelis nyadokang ring prajuru mangda marumang krama pacang ngawentenang pangupakara sapatutnia.
- (8) Yan wenten jadmna buduh jantos ngarusak palinggih ring pura utawi sane siosan, sang madruwe kapatutan patut mecikang sahananing sane karusak tur keni pamrayascita manut pararem.
- (9) Yan wenten jadmna karawuhan ring pura patut katatasang prade sumangsaya katunasang wangsuh pada, prade kantun ngamelmel patut kaambilang toya tur kacelebang tangannia utawi kasiram, yan tan belus patut kagega, yan belus patut kagingsirang ka jaba tur kasisipang manut pararem.
- (10) Tan kalugra ngawentenang jajuden ring wawengkon Pura Kahyangan Desa.

Palet 2

Indik Resi Yajnya

Pawos 39

Sapasira hugi pacang ngamargiang upacara Resi Yajnya ring Desa Pakraman Cucukan patut kamargiang manut kerta pamargin sastra agama makadi:

- ha. Prade wenten krama utawi warga desa pakraman pacang madwijati dados sulinggih, patut masadok ring prajuru kalih ring Guru Wisesa utawi Parisada.
- na. Prajuru patut nitenin lan wenang ngalangin prade wenten kacihna lempas ring kecap sastra agama lan dresta. Prade sampun manut prajuru patut sareng nyaksiang pamargin upacara hinucap saha nyobiahang ring paruman desa.

Palet 3

Indik Pitra Yajnya

Pawos 40

- (1) Sahananing upacara pamrateka sawa kabawos Pitra Yajnya.

- (2) Yan wenten warga utawi krama desa seda, kangkat ngambil pamargi sakadi ring sor:
- ha. Mapendem manut dresta;
 - na. Makingsan kangkat ring pratiwi utawi ring gni;
 - ca. Maplebonang manut dresta utawi uger padewasan.

Pawos 41

- (1) Gaguat pamargi Pitra Yajnya kamanggehang sakadi ring sor:
- ha. Genah mendem sawa utawi ngeseng sawa mangda ring setra ugi, sajawaning Ida Sang Sulinggih;
 - na. Yan sane seda kantun rare durung kepus odel, wenang kapendem pramangkin tan ngawilangin dewasa, nanghing yan sampun kepus odel patut ninutin padewasan lan manut sastra agama.
- (2) Padewasan mendem patut nunas ring Ida Sang Sulinggih, tur kapidabdabin olih prajuru desa.
- (3) Tan kalugra mendem utawi masini layon ri tatkala nemu rahina prawani, Purnama, Tilem, Anggarkasih, Budha Wage, Budha Kliwon, Tumpek, Pasah, Semut Sadulur, Kala Gotongan, Was Panganten muang pujawali ring Pura Kahyangan Desa utawi rarahinan sane siosan manut pararem.

Pawos 42

- (1) Prade wenten warga desa seda rikala wenten pujawali utawi piodalan ring sinalih tunggil kahyangan desa lan mrajan dadya sane wenten ring wawengkon Desa Pakraman Cucukan, wawu kangkat kapendem sasampune pujawaline puput kamargiang kantos panyineban.
- (2) Yaning wenten warga desa seda ri tatkala wenten yajnya ring kahyangan jagat lan Pura Sad Kahyangan siosan, pamargi mendem layon utawi mrateka sang seda kalaksanayang ninutin piteket saking Parisadha utawi Guru Wisesa,

makadi: pamarginnyane sasiliban tur kalaksanayang sasampun engseb surya utawi lintang ring sandikaon, tan nywarayang kulkul, tan ngangge prakpak saha tan ngangge gagumuk.

- (3) Yening wenten warga desa seda lintangan ring asiki, ri tatkala mamargi ka setra patut sinarengan.

Pawos 43

- (1) Krama utawi warga desa sane seda sangkaning salah pati, ulah pati lan sapanunggilannia ring luwaring karang paumahannia kengin kabakta budal, nanghing patut kasanggra antuk banten pangulapan muang panebusan, tur kaprateka sapatutnia.
- (2) Yening wenten anak istri seda kantun ngadut manik, patut bobotannia kaembasang dumun wus punika wawu kangkat kaupacarain sakadi patute.
- (3) Tan kadadosang makta utawi mrateka layon ring wawengkon Desa Pakraman Cucukan makadi:
 - ha. Warga desa sane sampun ninggal kadaton sangkaning marabian sajawaning sane mantuk ka deha;
 - na. Warga utawi krama sane sampun wusan makrama tur matilar saking Desa Pakraman.
- (4) Yan wenten warga desa seda ring genah anak siosan, makadi ring tegalan ring pakarangan pisaga, patut sang madrebe kapatutan utawi waris sane ngalaksanayang pamrayascita, pacaruan sanistania amanca warna utawi panca sata, kalaksanayang ring genah inucap sadurung asasih pitung rahina.

Pawos 44

- (1) Swadarmaning krama lan prajuru rikala wenten kalayusekaran:
 - ha. Krama sane kalayusekaran:

1. Patut digelis masadok ring Prajuru Desa saha nunas tatimbang mungguing kawentenannia;
2. Nunas pangremba karya ring desa manut pabuwatan;
3. Ngaturang panyambrama kadulurin antuk sasuguh sakasidan majeng ring krama sane rawuh ngaremba karya.

na. Prajuru desa sasampune polih pasadok, patut:

1. Maritatas tatujon pamargin sang mapinunas karya utawi sang kalayusekaran;
2. Prade layone kapendem raris nyuarayang kulkul saha ngenter pamargin krama sajeroning ngaremba karya manut dresta. Yening kplebonang prajuru patut marumang krama jagi ngaremba karya muang patus manut dresta.

ca. Krama desa patut ngaremba sang kalayusekaran sapatinnia manut dresta;

ra. Yening sang kalayusekaran pamargine makingsan lan mendem layon polih swaran kulkul wantah apisan ring nyiramin layon utawi mersihin ngantos puput. Nanghing yan pamargine sasiliban tan nyuarayang kulkul;

ka. Yening raris pacang ngamargiang atiwa-tiwa utawi malebonang, polih suaran kulkul ping 6 (enem), ngawit saking marumang krama desa kantos pamegat patus jantos layone mamargi ka setra.

da. Ngamargiang pagebagan manut pangenter prajuru saha manut pinunas utawi pabuwat sang maduwe kalayusekaran.

(2) Ri tatkala nyandang utawi negen layon, wadah muang upakara sane siosan, pamargine ka setra patut mangda dabdad tan kadadosang magarap-garapan sane ngawinang pikobet sang madruwe karya.

(3) Ri tatkala nyanggra upakaran warga sane seda pacang kapendem utawi kplebonang, warga desa patut nganggen busana adat madia.

Pawos 45

(1) Panamaya atiwa-tiwa utawi palebon makadi:

ha. Palebon dadakan luwire:

1. Kadadosang sajeroning suwen ipun pitung rahina;
2. Kadadosang pinih suwe wates ipun tigang wuku, ngawit saking seda sajawining Ida Sang Sulinggih.

na. Palebon ngamasa utawi palebon ngarencana.

(2) Layon sane patut kaplebonang wantah layon sang sampun maketus huntu.

Yan durung maketus huntu kawenangang wantah pamargi nglungah.

Pawos 46

Papatusan ayah-ayah utawi pakaryan patus ri kala wenten atiwa-tiwa makadi:

ha. Ring sameton krama ayah ngarep luwire:

1. Ngaresikin utawi ngabas lan mresihin margi ring setra;
2. Makarya tatakan api;
3. Makarya bale pawedaan;
4. Makarya Sanggah Surya, sanggah cucuk lan anyeak;
5. Makarya papaga, lante, lan plengkungan (tumpang salu);
6. Makarya eteh-ete sane siyosan saha ngremba karya ngantos puput nganyut.

na. Ring sameton krama ayah malaga papatusannia patch sakad: ring ajeng, yaning pacang ngalaksanayang atiwa-tiwa utawi plebon, wantah kakeninin marupa beras akeh ipun 25 catu (maharga utawi kagentosin antuk jinah).

Pawos 47

(1) Krama sane pacang nampi patenipun ngabenang sawa saking dura desa patut masadok pinih rihin ring prajuru desa sadurung ngawit ngambil karya

hinucap.

- (2) Prade patempung hinucap kalugra olih prajuru desa, sang matempung kapatutang nawur pakenin-kenin ka Desa Pakraman luwir ipun: jinah panukun setra lan jinah pananjung batu akehnia manut pararem.
- (3) Sahananing haturan sane mawiwit saking haturan pananjung batu, panukun setra, lan aturan sane siosan manggen dados druwen desa tur patut kaunggahang ring ilikita.

Palet 4

Indik Manusa Yajnya

Pawos 50

- (1) Manusa Yajnya inggih punika sahananing upacara darmaning marusa, ngawit saking patemoning kama bang lan kama petak sajeroning garba wasananing ibu ngantos seda.
- (2) Upacara Manusa yajnya luwire:
 - ha. Magedong-gedongan;
 - na. Rare wawu hembas;
 - ca. Kepus odei utawi puser;
 - ra. Nglepas awon ri sampune mayusa 12 (roras) rahina;
 - ka. Tutug kambuhan muang mapag rare, ri kala rarene mayusa 42 rahina;
 - da. Tigang sasih;
 - ta. Rare mayusa aweton, nyambutin lan napak ksiti (ngenteg tanah) raris mapetik rambut;
 - sa. Ngempugin ri kala sampun tumbuh untu;
 - wa. Mungguh deha truna;
 - la. Mapandes utawi matatah;
 - ma. Mawiwaha;
 - ga. Mawinten.

- (3) Upacara hinucap kamargiang manut kecap sastra agama muang dresta, simacara sane kamanggehang ring Desa Pakraman Cucukan.

Palet 5

Indik Bhuta Yajnya

Pawos 49

- (1) Bhuta Yajnya inggih punika sahananing upacara yajnya sane matatujon nyomiahang watek bhuta kala durga bhucari mangda dados bhuta kala hita.
- (2) Upacara-upacara pabeakalaan ring sarwa prani luwire:
- ha. Ring sarwa tumuwuh, nemonin rahina Saniscara Kliwon Wariga utawi ketah kabawos Tumpek Ngatag;
 - na. Ring sarwa prani utawi ingon-ingon, nemonin rahina Saniscara Kliwon Uye utawi ketah kabawos Tumpek Kandang.
- (3) Upacara pabiakalan ring pretiwi, kahyangan lan sarwa bhuta kala kabawos caru luwir ipun:
- ha. Yajnya sesa utawi ngejot satunggil wus maratengan;
 - na. Segehan;
 - ca. Caru Eka Satha;
 - ra. Caru Manca Sata;
 - ka. Caru Manca Sanak;
 - da. Caru Manca Kelud;
 - ta. Caru Rsi Gana;
 - sa. Caru Balik Sumpah;
 - wa. Caru Labuh Gentuh.
- (4) Sajaba upacara Bhuta Yajnya kadi kecap ring ajeng, taler kamargiang upacara pabiakalan ring manusa manut wigunannia.

Pawos 50

- (1) Ri tatkala Tileming sasih Kasanga, ring wawidangan Desa Pakraman Cucukan taler kamargiang Bhuta Yajnya pacaruan makadi:
 - ha. Ring pempatan desa kamargiang caru manca sata;
 - na. Ring sowang-sowang paumahan utawi pakarangan upakarannia manut dresta lan arah-arah saking prajuru desa.
- (2) Sorennia kamargiang pangrupukan matuhu-buhu, kapidabdabin olih prajuru ngawit sandikaon tan kengin lintang ring tengah wengi.
- (3) Benjanguia kamargiang catur brata panyepian luwir ipun:
 - ha. Amati gni;
 - na. Amati karya;
 - ca. Amati lalungan;
 - ra. Amati lalangwan.
- (4) Pamargin catur brata Panyepian kalaksanayang dauh pisan ngantos dauh pisan benjang semeng.
- (5) Pamargin catur brata inucap katuntun olih prajuru manut desa kala patra, tur ngawit bratha inucap kamanggala antuk prajuru saha kasarengin olih pacalang desa.

**PANCAMAS SARGAH
SUKRETA TATA PAWONGAN**

Palet 1

Indik Pawiwahan

Pawos 51

- (1) Pawiwahan inggih punika patemoning purusa lan pradana malarapan antuk panunggalan kahyun suka cita kadulurin antuk upasaksi sakala lan niskala.
- (2) Pamargi pawiwahan sane kapatutang ring Desa Pakraman Cucukan luwire:

- ha. Papadikan;
- na. Ngarorod utawi ngarangkat;
- ca. Nyeburin utawi nyentana.

(3) Pidabdab papadikan madudonan sakadi ring sor:

ha. Pamargi kalaksanayang ping tiga luwire:

1. Pasewakan kalaksanayang ping kalih sakadi: kapertama malarapan antuk canang bawos sategepnia lan kaping kalih taler malarapan antuk canang bawos, sajeng rateng, sedah, wedang, gendis saha sane siosan;
2. Pangambilan;
3. Pangunyan sasampune kamargiang upacara pawiwahan saha maduluran banten pajati salantur ipun katur ka mrajan utawi sanggah wadone.

na. Prade sampun pada tulus tur sami hanut utawi ledang, wargan sang wadon raris masadok ring prajuru desa ri kala pacang ngamargiang pangambilane;

ca. Prade warga istrine sane kaambil ka dura desa, sang sane ngambil keni wawantenan marupa peras pajati majinah manut pararem katur ka desa anggen nyuarayang kulkul:

ra. Yening warga lanange ngambil ka dura desa, utawi ring wawengkon Desa Pakraman Cucukan taler keni wawantenan marupa peras pajati majinah manut pararem.

(4) Pamargi ngrorod utawi ngrangkat kapidabdabin sakadi ring sor:

ha. Kulawarga lanange patut ngawentenang pasedek antuk duta sanistania kalih diri saha makta ilikita prade sane ngambil sios desa, sane kalinggatanganin olih sang alaki rabi madasar antuk suka cita tur kasaksiang saha kalinggatanganin olih Bandesa lan Kepala Dusun maka manggalaning adat lan dinas, tan kasepan ring awengi;

- na. Sasampune pasedeke katrima olih wargan sang wadon, kulawarga sang lanang raris masedek ring prajuru manut pabuwatnia;
- ca. Ngawentenang pangarawos sasampune masenger tigang rahina, saha maduluran canang bawos, sajeng rateng, gendis, wedang, sedah, lanjaran saha sane siosan marupa dupa utawi asepan matatakan dulang;
- ra. Daging babawosan utawi pamalaku sakadi ring sor:
1. Kamanggala antuk nunas geng pangampura majeng ring kulawargan wadone;
 2. Ngigumang bawos indik nunas anak istri pacang kajangkepeng alakirabi, raris mawosang indik padewasan pawidhi-widhanaan.
- ka. Riwus pangambilan, wargan sang istri taler patut masadok ring prajuru. Prajuru raris nyuarayang kulkul makacihna pamargine sampun katrima;
- da. Risampune puput upacara pawidhi-widhanannia tur kasaksiang olih prajuru, salantur ipun kawentenang pasewakan malarapan antuk majauman sakancan ipun, kasarengin olih kulawarga lanang istri lan warga utawi krama desa manut dresta.
- (5) Prade palaku utawi pasedeke tan katrima olih wargan sang istri, kulawargan lanange patut nyadokang ring prajuru saha prajuru raris nepasin wicara inucap.
- (6) Pamargi nyeburin sampun kabawos puput yening sampun ngamargiang upacara manut dresta.

Pawos 52

Gagwat sang pacang mawiwaha sakadi ring sor:

- ha. Sampun mungguh deha truna;
- na. Sangkaning pada suka cita tan kapaksa;
- ca. Manut kecaping sastra agama;
- ra. Mangda nganutin pidaging Undang-undang Perkawinan;

ka. Prade ngambil jadma sios agama patut kamanggala antuk upacara sudi wadhani, wus punika wawu kadadosang ngalaksanayang upacara pawiwahan.

Pawos 53

(1) Pawiwahan sané kapatutang ring Desa Pakraman Cucukan sakadi ring sor:

ha. Sampun kamargiang pabiakalan saha kaupasaksi sakala niskala tur kapuputang antuk sulinggih;

na. Wenten upasaksi saking prajuru adat lan dinas;

ca. Sampun kailikitayang;

ra. Sampun polih tatengeran suaran kulkul;

(2) Pawiwahan sane tan manut sakadi ring ajeng nenten kabawos patut.

Pawos 54

(1) Prade wenten anak istri warga Desa Pakraman Cucukan sane deha mobot durung alaki rabi, patut kapidabdabin sakadi ring sor:

ha. Prade sang lanang ngangkepin madrebe pakardine tur kantun truna, kautsahayang mangda prasidha kajangkepeng lan kalanturang antuk upacara pawiwahan saha madewa saksi ring pura utaw: mrajan desa kapuput olih Ida Sang Sulinggih lan kasaksiang olih prajuru desa manut dresta;

na. Prade sang lanang tan ngangkenin utawi nenten pacang ngambil sane mobot punika, pamargi salanturipun katur ring Guru Wisesa.

ca. Prade sang sane lanang sampun alaki rabi sane ngangken madrebe bobotane, tur anake lanang sanggup pacang ngambil sang mobot, patut pinih rihin polih uwak-uwakan saking rabine rihinan;

- ra. Risampune ngamargiang pawiwahan sakadi patut, mangda rarene sane embas kaupakara olih sang mapakardi;
 - ka. Prade sang mobot ndua paksa pangangkene, patut sang mobot marisuda desa tur keni pamidanda manut pararem;
 - da. Yening wenten anak mobot nenten malarapan pawiwahan, patut wenten pasadok saking kulawarga sang mobot majeng ring prajuru, ngalantur prajuru mawosin indike inucap;
 - ta. Prade parindikan punika tan prasida kapuputang olih prajuru patut kahaturang ring Guru Wisesa sane wenang mawosin.
- (2) Yening wenten sane mamitra ngalang patut kapidabdabin kadi ring sor:
- ha. Yan sane mamitra durung alaki rabi, kausahayang mangda digelis kaparabyang;
 - na. Yan sinalih tunggil utawi sami sampun alaki rabi, patut keni pamidanda manut pararem saha katur ring Guru Wisesa.

Pawos 55

Sahananing krama sane sampun alaki rabi, prade wenten pikobet ring parabiannyane, sang istri raris ngambul ka pecak umahnyane utawi umah anak siosan jantos 6 sasih suwenyane, yan sang istri wenten kayun pacang marabian malih, pamargine sakadi ring sor:

- ha. Patut pamargi nyapian sane kapuputang pinih dumun;
- na. Pamargi parabianne mawali ngarutin pawos 51 sakadi ring ajeng.

Palet 2

Indik Nyapian

Pawos 56

- (1) Pawiwahan kabawos palas malarapan antuk nyapian utawi sinalih tunggil seda.

- (2) Palas marabian santukan sinalih tunggil seda mapiteges balu lanang utawi balu istri.
- (3) Palas marabian mawiwit antuk wicara kabawos nyapian.
- (4) Sang sapisira hugi pacang palas marabian patut pinih rihin masadok utawi matur ring prajuru desa pacang kapidabdabin manut pabuwatnia. Yan tan prasida antuk midabdabin, salantur ipun kaaturang ring Guru Wisesa utawi Pengadilan Negeri.
- (5) Pamargi nyapian kasinanggeh patut ring Desa Pakraman Cucukan ri sampune:
 - ha. Wenten putusan saking Pengadilan Negeri;
 - na. Kasobiahang utawi kawedarang olih prajuru sajeroning paruman.

Pawos 57

Krama sane nyapian kapidabdabin sakadi ring sor:

- ha. Naur prabea ring paruman muang pamidanda manut pararem;
- na. Polih pah-pahan pagunakayan;
- ca. Pabekelan mawali niri-niri;
- ra. Warisan kakwasayang olih sang purusa;
- ka. Patut maweh pangupa jiwa muang kaweruhan ring santanannia sane metu saking parabyannia;
- da. Keni wawantenan marupa: prayascitta, pajati durmanggala, saha ngelung jinah bolong maka cihna palas marabian, tur kalaksanayang ring pura utawi mrajan saha kasaksiang antuk prajuru lan krama desa.

Pawos 58

Prade ri wekas sang palas marabian macihna inalih adung saha pacang mawali alaki rabi kapatutang sakadi ring sor:

- ha. Ngalaksanayang pawidhi-widhanaan malih kadi nguni;
- na. Keni pamidanda nikel saking pamidandannia duk palas.

Pawos 59

- (1) Balu istri sane katinggal seda olih swaminia, utawi balu sane pecak nyeburin patut ngamargiang swadarmaning balu sakadi ring sor:
 - ha. Ngamargiang patibrata tan paradara utawi dratikrama;
 - na. Ngraksa, ngutsahayang lan miara sahananing warisan lan pagunakaya kalih santanania;
 - ca. Tan dados ngadol, ngadeang utawi makedihang warisan sajawining polih kabebasan saking kulawargan rabinnyane saking kapurusa.
- (2) Balu sane kabawos tan pageh ring swadarmaning balu luwire:
 - ha. Matingkah dratikrama, paradara lan sapanunggilannia;
 - na. Matilar tan pasadok ngantos langkung ring 6 sasih;
 - ca. Lempas ring swadarmaning balu.
- (3) Balu sane tan pageh ring swadarmaning balu kadi kecap ring ajeng, prade kacihna manut tri pramana (bukti, ilikita, saksi) sang maprawreti wenang katundung olih kulawargan lanange.

Palet 3

Indik Santana

Pawos 60

- (1) Santana wenten kalih pawos sane kabawos prati santana lan santana paperasan.
 - ha. Prati santana inggih punika santana sane metu saking pawiwahan kapatut;
 - na. Santana paperasan inggih punika, santana sane kapikolihang malarapan antuk meras kadulurin antuk upasaksi sakala lan niskala.

- (2) Meras santana manut kasujatian kahyun sang makarsa majalaran kahyun lulut asih, adung gilik saguluk, kapungkur ipun jagi natak panas tis ri kala sampun wreda.
- (3) Santana rajeg wantah prati santana wadon sane kamanggehang madewek purusa dwaning rikala pawiwahannia pamargine kaceburin antuk sang lanang sane madewek pradana.

Pawos 61

- (1) Sang pacang meras santana patut masadok ring prajuru asasih sadurungnia tur patut ngawentenang pasadu harep ring kulawarga warisnia.
- (2) Bandesa patut digelis nyobiahang ring krama sajeroning paruman indik pakinkin sang pacang meras santana;
- (3) Prade wenten krama rumasa kabekatan mangda digelis nyadokang ring prajuru masengker tigung wuku sadurung pamerasan kamargiang.
- (4) Bandesa patut digelis mawosin saha ngicenin panuntun utawi panepas manut catur dresta muwah awig-awig lan pararem desa.
- (5) Prade pidabdab pacang meras tan kapialang, upacara pamerasan prasida kalaksanayang.
- (6) Prade marasa mialangin manut sulur kecaping ring ajeng, prajuru wenang ngandegang sang pacang meras, saha maweh panuntun manut dresta.
- (7) Meras santana patut macihna antuk artha brana paperasan saha kasaksiang olih prajuru, warga lan waris tur kamanggehang ring ilikita olih prajuru saha pamargine kahanutang ring uger-uger Guru Wisesa.

Pawos 62

Pamerasan patut kamargiang sakadi ring sor:

ha. Sane patut kaperas kaanggen santana, kapertana waris kapurusa, yan tan wenten kengin saking wadon yan tan wenten sakama-kama utawi sakita kahyun nanghing mangde pasemetonan krama Desa Pakraman Cucukan;

- na. Upacara pamerasan patut kasaksiang antuk prajuru desa saha kapuputang olih Ida Sang Sulinggih;
- ca. Sasampun upacara pamerasan puput, prajuru desa patut nyobiahang utawi ngawedarang sajeroning paruman desa.

Pawos 63

- (1) Swadarmaning sang meras santana pateh sakadi swadarmaning Guru Rupaka luwire:
 - ha. Maweh pangupajiwa;
 - na. Ngupakara manut agama;
 - ca. Maweh saha ngutsahayang kaweruhan;
 - ra. Ngupadi karahajengan manut patitis grehasta lan sapanunggilannia.
- (2) Swadarmaning sang kaadegang santana pateh sakadi swadarmaning prati santana.
- (3) Sang rumasa tan polih pamargi kadi kecaping wiwit (1) lan wiwit (2), patut digelis masadok ring prajuru tur yan prasida kabuktiang sang malaksana keni pamidanda manut pararem.

Palet 4

Indik Wawarisan

Pawos 64

- (1) Warisan inggih punika sahananing arta brana saha ayah-ayahan sajeroning ngupadi sukerta sakala niskala saking kaluhurannia harep ring katurunannia.
- (2) Sane kasinanggeh warisan luwire:
 - ha. Druwe tengah turun temurun saking kaluhurannia, arta brana, mrajan, tanah ayahan, pusaka siwakrana lan sapanunggilannia;
 - na. Pagunakaya;

ca. Hutang piutang.

(3) Wawu kengin kabawos warisan prade wenten:

ha. Sang mapiturun kabawos pawaris;

na. Katurunannia kabawos ahli waris;

ca. Arta brana niwah tategenan lan ayah-ayahan kabawos warisan.

Pawos 65

Ahli waris luwire:

ha. Prati santana purusa;

na. Prati santana wadon sane kamanggehang santana rajeg;

ca. Santana paperasan.

Pawos 66

Swadarmaning ahli waris sakadi ring sor:

ha. Ngamargiang sahananing ayah-ayahan pawaris;

na. Ngutsahayang arta brana warisan;

ca. Ngempon kahyangan, mrajan lan pura tatinggalan pawaris saha ngupakara;

ra. Ngalaksanayang sahananing pitra yajnya laluhur;

ka. Muputang utang piutang pawaris.

Pawos 67

(1) Warisan wawu dados kaepah olih ahli waris ri sampun:

ha. Muputang pitra yajnyan pawaris;

na. Naurin salwiring utang pawaris;

ca. Nyeledihi sahananing ayah-ayahan pawaris.

(2) Prade sajeroning pakulawargan wenten padum waris patut:

ha. Kawentenang paigum indik paduman waris inucap;

na. Yan tan prasida higum, patut katunasang tatimbang ring prajuru desa.

- ca. Prade taler tan cumpu ring tatimbang prajuru desa wenang katunasang ring Guru Wisesa.
- (3) Sane tan patut polih pah-pahan warisan luwire:
- ha. Santana sane sampun nilar kawitan sasananing Agama Hindu.
- na. Santana lanang sampun kesah pawiwahan nyeburin.
- (4) Sane patut polih pah-pahan warisan luwire:
- ha. Sang mulih deha, mulih truna riantukan duk pawiwahan kaucap ninggal kadaton deha truna;
- na. Balu istri sane kanton ngamanggehang swadarmaning balu.
- (5) Pawaris duk kanton mahurip kengin mapaweweh ring okane istri sane pacang kesah mawiwaha marupa:
- ha. Jiwadana utawi bekel tatahidan;
- na. Paweweh warisan siyosan yan sampun wenten manah adung ring ahli waris sane wenten.

**SATHAS SARGGAH
WICARA LAN PAMIDANDA**

Palet 1

Indik Wicara

Pawos 68

- (1) Sane wenang mawosin makadi mutusang wicara ring Desa Pakraman Cucukan, inggih punika prajuru desa utawi kerta desa.
- (2) Sahananing wicara utawi biota sane wenten pinih rihin patut kapuputang ring paruman krama tur prajuru desa utawi Bandesa maka pamutus bawos.

- (3) Prade wenten wicara tan prasiddha ngamolihang pamutus ring Desa Pakraman, sang mawicara kengin nunas pamutus ring sang rumawos utawi Guru Wisesa.

Pawos 69

- (1) Sahananing wicara sane mawiwit saking laksana corah sane kasinanggeh nungkas ring awig-awig utawi pararem, patut digelis kabawosin olih prajuru tan ngantos pasadok.
- (2) Sajawaning wicara kecaping ring ajeng, prajuru wenang mawosin ri sampune wenten pasadok saking sang nunas bawos.
- (3) Panepas saking prajuru patut pastika nyantenang iwang patut malarapan antuk Tri Pramana, luwire: saksi, ilikita, lan bukti taler tan maren nepak ring catur dresta.

Palet 2

Indik Pamidanda

Pawos 70

- (1) Desa Pakraman wenang niwakang pamidanda ring krama utawi warga desa sane sisip.
- (2) Tatiwak pamidanda hinucap kamargiang olih Bandesa utawi prajuru.
- (3) Bacakan pamidanda luwire:
ha. Danda artha marupa dadosan saha panikelnia miwah panikel urunan-
urunan sane siosan;
na. Rarampagan;
ca. Kadaut tanah ayahannia;
ra. Pamidanda siosan manut pararem.
- (4) Ageng alit pamidanda sane katiwakang manut panglokika kasisipannia.
- (5) Sahananing jinah utawi arta brana pamidanda patut karanjingang dados druwen Desa Pakraman Cucukan.

Pawos 71

- (1) Yening wenten sinalih tunggil krama langkung ring tigang sangkepan utawi tigang paruman tan naur paturunan utawi jadosan wenang kabligbagang manut pararem.
- (2) Tatacara nglaksanayang rarampagan sakadi ring sor:
 - ha. Kamanggala antuk pasadok, saking prajuru marep ring sang pacang karampag;
 - na. Ngarampag kalaksanayang olih prajuru, kasarengin olih krama pinaka saksi lan pangremba sanistane dasa diri;
 - ca. Sang ngarampag patut sangkaning darsana ngambil barang utawi nyawenin tanem tuwuh akehnia manut ageng alit butang sang karampag;
 - ra. Sahananing sane karampag patut kaungguhang ring ilikita tur kasaksiang olih krama utawi warga desa;
 - ka. Prajuru patut miteketin sang karampag mangda digelis nebas sadurung waneng asasih;
 - da. Lelangan barang sane karampag kaanggen nuku utawi naur utangnia ring Desa Pakraman tur kawewehin antuk prabea pangrampagan, sisannia kawaliang ring sang karampag.
- (3) Tan wenang ngarampag barang sane kainggilang manut agama miwah sane mademang pangupajiwana sang karampag.
- (4) Pamidanda sakadi ring ajeng pastika purna buntas, yening sang sisip sampun:
 - ha. Nunas geng sinampura majeng ring krama sajeroning paruman, riantukan purun nguwak pasubaya;
 - na. Naur pamidanda panguwak pasubaya duk pacang karampag maduluran wawantenan marupa: peras pajati saha prayascita.

SAPTAMAS SARGGAH
NGUWAH NGUWUHIN AWIG-AWIG

Pawos 72

- (1) Nguwah-nguwuhin awig-awig puniki kalaksanayang antuk paruman Desa Pakraman Cucukan.
- (2) Paruman inucap patut kadasarin antuk gilik saguluk paigum krama desa.
- (3) Pamutus babawosan prasidha kamanggehang yening sampun madasar antuk kahyun gilik saguluk. Utawi prade tan sidha gilik saguluk madasar antuk pawilangan swara.
- (4) Prade pamutuse madasar antuk wilangan suara gəguatnia patut sakadi ring sor:
 - ha. Akeh utawi katah krama sane parum kalih pahtiga saking piguman sami;
 - na. Pawilangan suara sane nganutin satengah langkung adiri saking katah utawi akeh krama sane parum.

Pawos 73

Rarincikan paruman indik pacang nguwah-nguwuhin awig-awig kadi ring ajeng, kengin kamedalang antuk Bandesa, kelian banjar utawi saking krama niri-niri.

ASTAMAS SARGGAH

SAMAPTA

Pawos 74

1. Awig-awig puniki kawāstanin Awig-Awig Desa Pakraman Cucukan.
2. Awig-awig puniki manggeh kalaksanayang ring wawidangan Desa Pakraman Cucukan.
3. Awig-awig puniki kamargiang ngawit saking kararemin antuk Desa Pakraman Cucukan.

4. Awig-awig nganinin sahananing warga lan krama desa, miwah sakaluwiring sane kakuwub antuk Desa Pakraman Cucukan.

Pawos 75

- (1) Sakaluwiring pamargi sane wenten sadurungna patut kaanutang ring sadaging awig-awig puniki.
- (2) Pamargin pararem sane durung kabawos sajeroning awig-awig, puniki, manggeh kalaksanayang manut tata cara sane sampun ketah mamargi, kamanggala antuk paruman desa.

Pawos 76


- (1) Awig-awig puniki kasungkemin olih paruman krama Desa Pakraman Cucukan duk rahina Radite Medangkungan, tti tanggal ping 2, sasih Kapitu, Isaka 1924, tanggal Masehi 19 Januari 2003.
- (2) Awig-awig puniki kalinggatanganin olih prajuru Desa Pakraman Cucukan saha kasaksiang olih para manggala praja dinas makadi Kepala Dusun, Kepala Desa Selat, pamekas Bupati Klungkung maka murdaning pamikukuh.
- (3) Lwir sang ngalinggatanganin:

ha. Prajuru Desa Pakraman Cucukan:


Bandesa Cucukan



Ida Bagus Nyoman Putra Byomantara


Kelihan Banjar


Ida Bagus Putu Wirama

na. Para manggala praja dinas pinaka saksi:


Kepala Dusun
Kec. Klungkung
Ida Bagus Made Adnyana


Perbekel Desa Selat
I Nengah Buda



Camat Klungkung
I Wawan Sumarta, S.Sos.
NIP. 010190314

ca. Bupati Klungkung maka murdaning pamikukuh

Telah dicatatkan :

Tanggal : 18 NOPEMBER 2009

Register nomor : 189 / 2 / H 2 0 / 2009

Mengetahui
Bupati Klungkung

I Wawan Candra

PANITIA PENYUSUNAN
AWIG-AWIG DESA PAKRAMAN CUCUKAN

PENASEHAT : PRAJURU DESA PAKRAMAN CUCUKAN
IDA BAGUS PUTU ADRI

KETUA : IDA BAGUS KETUT MUKUR MUKA

WAKIL KETUA : IDA BAGUS NYOMAN WISNAYA

SEKRETARIS 1 : IDA BAGUS PUTU GEDE RAKA, S.Ag., M. Fil. H.

SEKRETARIS 2 : IDA BAGUS PUTU SUCITA, SE

BENDAHARA : IDA BAGUS MADE PARWITA

BAGA:

I. PARHYANGAN

1. IDA BAGUS MANGKU MADE SUDITA (KETUA)
2. IDA BAGUS MANGKU PUTU ARTA
3. IDA BAGUS MADE RAKAYOGA
4. IDA BAGUS PUTU WIRAT
5. IDA BAGUS GEDE RAI GURU
6. IDA BAGUS KETUT SUPARTA
7. IDA BAGUS PUTU GEDE TANAYA
8. IDA BAGUS PUTU JAGRAIKA, A.Mk.
9. IDA BAGUS NYOMAN HERU ASTAWA
10. IDA AYU PUTU MAYUN, A Ma Pd.

II. PAWONGAN

1. Drs. IDA BAGUS GEDE ADNYANA (KETUA)
2. IDA BAGUS MADE SUCIPTA
3. IDA BAGUS KETUT PUTRA
4. IDA BAGUS MADE ASTAWA
5. IDA BAGUS MADE WIRATA, SH
6. IDA BAGUS MADE ADNYANA

7. IDA BAGUS KETUT WEDANA
8. IDA BAGUS NYOMAN GIRI
9. IDA BAGUS MADE LUDY PARYATNA. SS.

III. PALEMAHAN

1. IDA BAGUS NYOMAN ARI SANJAYA, ST
2. IDA BAGUS MADE GARGA
3. IDA BAGUS PUTU ADIANTA
4. IDA BAGUS PUTU WIRAMA
5. IDA BAGUS NYOMAN PUTRA
6. IDA BAGUS NYOMAN SUDIANTA
7. IDA BAGUS KETUT OKA EDYANTARA
8. IDA BAGUS MADE ADNYANA, SH
9. IDA BAGUS WIKANTARA, SH
10. Ir. IDA BAGUS GEDE YADNYA